

M099: Kremsmünsterer Glaube und Beichte

- 221r,16 Ich gihe dem almahtigen gote .
 221r,17 Vnte miner frowen sce MaRiEN . Unde minem herren sc-e
 221r,18 PETRE . Vnde allen gotes heiligen . Unde dir briestere . aller
 221r,19 miner sunden . die ih ie getete . oder gefrumete . swie ih si gefrumete .
 221r,20 wizente oder unwizente slafende oder wachende
 221r,21 danches oder undanches oder swie ih si ie gefrumete . so irgibe
 221r,22 ih mih hiute schuldich aller miner sunden . die mensche
 221r,23 gefrumen mac mit gedanchen . mit worten . mit werchen .
 221r,24 Ih gihe dem almahtigen gote . unde allen sinen heiligen swaz
 221r,25 so ih ie ubeles getete . daz daz min schult was . ob ih ie ieht
 221r,26 gvotes getete daz daz din genada was . Ih gehiez dem almahtigen
 221r,27 gote . min garwaez herze . minen offenen willen . miner
 221r,28 sunden mih ze glovbenne unde also uerre ze uermidenne . so
 221r,29 mih sin genade gesterchet . unde min mennisheit mir uerhenget .
 221r,30 Ih bite gewegedes unde gedinges miner frowen sc-e Marien .
- 221v,1 minen herren sc-m Petru- . unde alle gotes heiligen . daz si mir
 221v,2 helfende sin . daz ih so lange gefristet werde . unze mih mine
 221v,3 sunde rehte geriwen . unde ih si rehte gebvoze . Ih bite alle die
 221v,4 mih hiute hie horende sint . unde sehende . swie so mih min tac
 221v,5 gefriste oder min ende . daz si mir des urchunde sin . an dem
 221v,6 iungesten tage . daz ih hivte hie erschine in waren riwen .
 221v,7 unde er rehter erchantnusse miner sunden .
 221v,8 Ich glovbe an den almahtigen got . der der schepfare ist himeles
 221v,9 und er erde . luftes und wazeres . unde aller der dinge
 221v,10 die dar inne beuangen sint . Ih gelovbe an den uater . unde
 221v,11 an den sun . unde an den heiligen geist . Ih gelovbe daz die
 221v,12 dri genennede . ein warer got sint . der der ie was an aneenge .
 221v,13 unde iemmer ist an ende . Ih gelovbe daz der selbe gotessun
 221v,14 geborn wart . uon sc-e MaRiEN einer ewigen magede .
 221v,15 Ich gelovbe daz er hie en werlte was . warer got warer mennische
 221v,16 ane sunde . Ih gelovbe daz er geuangen wart . daz er
 221v,17 an daz cruce gehangen wart . daz er dar an erstarp . Ich
 221v,18 gelovbe daz er z er helle fuor . unde dar uz loste die er wolte .
 221v,19 Ich gelovbe daz er des tritten tages erstuont . daz er sit hie
 221v,20 en erde was uierzech tage unde uierzech naht . Ich glovbe daz
 221v,21 er an dem uierzegestem tage uf ze himele fuor . daz er da
 221v,22 sizet ze sines uater zesewen . ime ebenhere unde ebengewaltich .

221v,23 Ich gelovbe daz er her nah chomen sol . z em iungesten
221v,24 tage . unde daz ih denne ersten sol . an dem selben libe .
221v,25 da ih hiute an erschine . Ich gelovbe daz ih rede geben sol .
221v,26 aller miner werche . unde daz ih erteilet sol werden . ainweder
221v,27 ze dem ewigen libe . oder z em ewigen tode . Ich gelovbe
221v,28 die gemeinde der heiligen christenheit . Ich glovbe
221v,29 antlaz miner sunden . ob si mih riwent . Ich gelovbe den
221v,30 ewigen lip . am- .